

發願 復爐

香官使者左右龍虎君侍香諸靈官臣等向
來朝告之所自然生金液丹君之美百靈眾
真交會在此香大爐前當願丹誠上格玄貺
下敷十方仙童玉女接侍簡煙傳日向來所

奏之誠速達徑詣

太上無極大道昊天玉皇上帝

北極紫微大帝

中天大聖北斗九皇星君道前

清微玄樞奏告儀終

靈寶无量度人上經大法序

天 具 皇 人 撰 奏 卷一

元始祖劫為天地之根宗靈寶開闢總陰陽
之根紐推日月變通之理統星罡躡運之機
妙集旋網提攝子午達五行之造化迫二炁
之魁魁進退乾坤飛旋離坎擒龍伏虎控風
乘鸞朝餐紫府之英暮食青華之液鍊形流
火濯質東池六龍飛蹈於層霄九炁攢烹於
玉鼎道之生我物无定形棄物留形則炁神
交而具自徹釋情養浩則精血通而炁目變
真火高奔飛扶丘之皎日水金拘制旺玉關
之蟾蜍八鸞同鳴讚空歌之雅韻九鳳齊唱
揚子絕之玄音俯仰靈阿十方之天真自集
朝參太上萬靈之羽衛飛軒黍米高懸變通
莫測含包虛昧則无鞅數眾咸歸濁競奔趨
則萬炁千真盡散集炁為寶聚神為靈乾健
純陽坤厚純陰自然之炁无形无名上極九
清以炁假名為號下徹九地以形則號為名
是知香有冥冥恍恍惚惚寂然不動感而遂
通二炁迴旋天地應時而動三田通妙陰陽

轉運而為靡在他施何勞自遠存神叩齒警
初具入道之門鍊炁書符明學士守規之矩
欲餌吞於九轉當造化於四時迴運周天交
運水火志金鑄鼎鍊石補玄虛日月之精華
結神具之鉛汞先明子午次辨水金進退抽
添知時識候溫調養育烹鍊無差勿殺害以
欲貪勿嫉妬而姪盜遠情去始異骨成觀濟
度天人闡教凡世通玄究微悉洞慧來魔
却惱斷六根障塞之源捨妄從真滅五苦輪
迴之路拘魂制魄養炁藏神身有光明形无
影響開明三景離合自然高宴鬱羅萬劫蕭
臺登冠飛升金闕玉山絕境逍遙飛駕瓊輪
十炁飛天自現控乘絲鞞諸天五老傾无疾
除罪簿之因落滅惡根之道妙手茲法故品
諸經提悟迷荒救務未悟吾昔遇清微丈人
授以二炁吐納次過於玄皇玉帝賜以金丹
訣言遠明天地權輿之數以了陰陽生殺之
機衆卉百華盡守根而固蒂奇禽異獸咸抱
一以含元故知顛倒五行番覆四象空元一
飛玄之氣守具精妙休之英達寶鼎於崆峒

飛金晶於靈洞遠內外之水火合上下之刀圭元炁周流感元黃而玄珠光耀包藏宇宙舍金丹而寶用無窮是知天地之獨尊變化之無形無質乾坤之妙道生死之無始無終道勿遠求不出戶牖觀之者鮮遠之者多素

本志真甘樂亡於泉壤入邪捨正徒負夏以經冬靜以生強安而思極七情鼓扇陽絕陰生而性命危六欲觸耽精散形離而神炁泯五藏摧蕩九竅閉闢靡知性命之端安得尋耦相配何明造化豈辨玄機吾啓大慈願授仙子將茲神炁集號玄章故名靈寶之筌蹄以應真經之內法付于妙行出世度人化現十方名號非一編諸經典徧滿恒沙句句為玄頭頭是道悟茲妙理則入生出死而與道俱存于此真機則離合自然而去來无礙遇之者夙非凡骨行之者累世真仙悞謫人天慮差覺路指名圖定證悟法門行者秘藏了真可度謹序

靈寶无量度人上經大法卷之一

八明開聰品

玄師曰靈寶大法乃无上大羅元始天尊所說玉宸道君五老上帝高尊上聖妙行真人十方神王至真大神所受後聖玄元

金闕高真天帝行化下教世間得而開之乃是三十六部尊經總萬八千篇衆道之宗玄淵優奧與萬法一貫

一則明元始祖炁從何先化玉字接靈寶玉字內音經云自三炁之先溟滓之後其中真精欲化挺生元炁元炁之內有神曰元始天王其炁混凝與元始同生流化結芳非色非相或舒或張至延康開劫一炁分形而為二炁虛无自然而生始炁二炁交結凝相太空彌覆无極字方一文八角垂芒莫知其理二炁混凝包藏玉字至龍漢開劫元始天王分鍊二炁混沌開光炁清高澄成天炁降積淨成地二炁分合中有和炁名曰玄炁亦曰大梵之炁至赤明劫元始開圖中有真陽之炁化為洞陽之火元始運洞陽之火冶鍊三炁

混合玉字而成赤文因而劫號赤明文號赤書玉字是茲理也

二則明生育混沌陶冶萬範自混沌開析三炁成文火鍊為赤書光明之炁陽光之精成日靈光之精成月餘光布散分為萬象三炁之神分為三清之聖自此之後萬彙皆出皆生莫非玄元始三炁也至開皇劫分鍊三元化生諸聖至上皇劫五劫周啓五行全形化生諸真諸仙應五劫之內產生玄中之精精中之神皆名上皇故劫號上皇劫五劫之中五行正炁流方布形或聚或散或卷或舒或張或體應雲煙火霧或象類星斗金玉或形分蟲魚龍鳥皆出於赤書玉字分形自然生成三洞四輔之文龍胎石景億萬圖書三部千條局命天真皇人大真玉妃悉書其文錄為簡錄以正生成之本總括萬象之元陶鍊群品之機出產仙真之紐三則明靈寶大法自然生成圖書總括萬象為三才機紐是茲理也四則明大法為三洞祖教出生一切聖人自